

Le kaaxo' yéetel le chimeso'

✎ Winny Asara


👤 Magriet Brink

🗨️ Josué Vicente Balam Ojeda, José Alonso Cahun Sánchez, Emmanuel Jiménez Calix

💬 maayat'aan

📊 nivel 3





Le kaaxo' yéetel le chimeso' ku biskuba'ob ka'achij. Chen ba'ale' maantats' ku paaklan ketlamo'ob. Juntéenake', takchaj u báaxtiko'ob koche' wóolis yo'osal u yiliko'ob máax u asab ma'alobil.



J-bino'ob te' kúuchil wóoliso' ka káaj u báaxalo'ob. Le kaaxo' jach péeka'an, ba'ale' le chimeso' mixtan u p'áatal paachil. Le kaaxo' le ken u kóoche'et le wóoliso' náach ku k'uchuj, ba'ale' le chimeso' ken xan u koche'ete' jach asab náach ku tuuxtik. Beytuno' le kaaxo' káaj u ts'íikil.




Tu ch'a'aja'ob u t'aanil u beetiko'ob jump'éeel sí'ipilch'iin. Yáax máan le chimeso' u meentuba ajkaláant chi' naj, beytuno' le kaaxo' chen jump'éeel gool tu yoksaj. Ts'o'okole' máan le kaaxo' u meentuba ajkaláant chi' naj.



Le chimeso' tu koche'etaj le wóoliso' ka' tu yoksaj jump'éeel gool. Le chimeso' tu tusaj le kaaxo' ka' tu yoksaj uláak' gool. Le chimeso' tu ch'inaj le wóolis yéetel u poolo' ka' tu yoksaj uláak' gool. Jo'op'éeel gool tu yoksaj le chimeso'.




Le kaaxo' jach p'u'uja'an tumen ma' tu náajaltaj le báaxalo'. Le kaaxo' ma' uts tu yich ma' leti' náajalt le báaxalo'. Le chimeso' káaj u che'ej tumen u etaile' táan u bobolchi'.



Le kaaxo' jach táaj p'uja'an ka tu luk'aj le chimeso'.



Táan u bin tu yotoche' ka tu yilaj u na' le chimeso'. Ka k'áata'ab ti', "ts'o'ok wáaj a wilik in paal". Le kaaxo' ma' tu nukaj mixba'al ti' u na' le chimeso', le na'o' káaj u tuukul.



Ts'ookole', u na' le chimeso' tu yu'ubaj jump'éeel chaambel aawat. "Áanteni' in na'" ku juum le chaambel awato'. U na' chimese' jo'op u kaxan. Le chambel aawato' ku juum ichil u chíim le kaaxo'.



U na' chimese' aawatnajij, "ik'a'abetkúuns a muk' óolal, in waal!" Le chimeso'o'bo' je'el u béeytal u cha'iko'ob jump'éeel tu'bookile'. Le kaaxo' káaj u u'uyikubaj k'oja'anil.



Le kaaxo' ke'ebnajij. Ts'o'okole', káaj u luuk' yéetel túub.
Ts'o'o'kole', kaj u je'etsíim yéetel se'en. ¡Le chimeso' jach ma'
ki'i!



Le kaaxo' se'enaji, se'enaji tak ka béeychaj u jóok'ol le chimes tu chíimo'. Le xnook'olo'obo' na'ako'ob séeba'an ti' junkúul che' uti'al u ta'akikuba'ob ti' le kaaxo.



Líik'ul le k'iin je'elo le kaaxo'ob yéetel le chimeso'obo' ma'atan u biskuba'ob.



Cuentos para México

global-asp.github.io/storybooks-mexico

Le kaaxo' yéetel le chimeso'

Texto: Winny Asara

Ilustraciones: Magriet Brink

Traducción: Josué Vicente Balam Ojeda, José Alonso Cahun Sánchez, Emmanuel Jiménez Calix

Este cuento se origina en el African Storybook (africanstorybook.org) y es presentada por Cuentos para México, que ofrece libros para niños en muchos idiomas que se hablan en México.

Esta obra está bajo una Licencia Creative Commons
[Atribución 3.0 Internacional](https://creativecommons.org/licenses/by/3.0/).